

На основі члена 185. пасус 1, а у вязи зоз членом 28. пасус 6. Закона о основох системи образования и воспитаня («Службени глашнік РС», число 88/17, 27/18 – др. закон и 6/20.) члена 15. и 16. пасус 2., члена 24. пасус 2. и члена 37. пасус 4. Покраїнскей скупштинскей одлуки о покраїнскей управи («Службени новини АП Войводини», число 37/14, 54/14 – др. одлука, 37/16, 29/17 и 24/2019), покраїнски секретар, п р и н о ш и:

ПРАВИЛНІК О ШКОЛСКИМ КАЛЕНДАРЕ ЗА ОСНОВНИ ШКОЛИ ЗОЗ ШЕДЗИСКОМ НА ТЕРИТОРИЇ АВТОНОМНЕЙ ПОКРАЇНИ ВОЙВОДИНИ ЗА ШКОЛСКИ 2020/2021. РОК

Член 1.

Зоз тим правилніком ше утврдзує час витворйованя образовно-воспитней роботи под час школского 2020/2021. року и час и тирване школского розпусту школярох у основних школах зоз шедзиском на території Автономней Покраїни Войводини.

Инши обовязни и факултативни форми образовно-воспитней роботи яки предвидзени зоз наставним планом и програму за основни школи ше планує з рочним планом роботи.

Член 2.

Наставу и други форми образовно-воспитней роботи у основней школи ше витворює под час двох полрочох.

Перше полроче почина пияток, 1. септембра 2020. року, а закончує ше пияток 23. децембра 2020. року. Перше полроче ма 81 наставни дзень.

Друге полроче почина 18. януара 2021. року и закончує ше:

- 4. юния 2021. року, за школярох осмей класи и ма 89 наставни дні и
- 18. юния 2021. року, за школярох од першей по седму класу и ма 99 наставни дні.

Член 3.

Наставни план и програму за школярох од першей по седму класу ше витворює у 36 пейцдньових наставних тижньох, односно 180 наставних дньох.

Наставни план и програму за школярох осмей класи ше витворює у 34 пейцдньових наставних тижньох, односно 170 наставних дньох.

У случаю же, пре загрожену безпечносц и здраве школярох и занятих, школи не у можлівосци витвориц обовязни форми образовно-воспитней роботи у подполним чишле наставних тижньох и наставних дньох на рочним уровню, можливе одступане до 5% од утврдзеного числа пейцдньових наставних тижньох, односно наставних дньох.

Таблічкови препатрунок школского календару за основни школи зоз шедзиском на території Автономней Покраїни Войводини за школски 2020/2021. рок, хтори ше находзи у прилогу того правилніка як його состояйна часц, виказани у полрочох и квартално.

Перши квартал ма 40, други 41, а треци 50 наставни дні. Штварти квартал ма 49 наставни дні за школярох од першей по седму класу, а 39 наставни дні за школярох осмей класи, окрем у случаю же пре загрожену безпечносц и здраве школярох и занятих не можливе же би ше дні у тижню, хтори розпоредзени з рочним планом роботи, равномерно розпоредзели.

Член 4.

Основна музична и балетска школа могу окончовац наставу и шейсц наставни дні у тижню, по рочним плану работи школи у складзе зоз законом.

У случаю же, пре загрожену безпечносц и здраве школярох и занятих, школи не у можливосци витвориц обовязни форми образовно-воспитней работи у подполним чишле наставних тижњоох и наставних дњоох на рочним уровню, можливе одступане до 5% од утвердзеного числа пейцдњових наставних тижњоох, односно наставних дњоох.

Член 5.

Под час наставного периода, школа може утвердзиц у своім рочним плане работи найвецей штири наставни суботи и то у случаю кед ше:

наставного дня означуе дзень школи, або

наставного дня, источашне, за векшу часц школярох школи, реализуе екскурзиї, або даяки други активносци

- наставного дня зоз векшину школярох учествуе на даякей спортскей або дружтвенеј манифестациї, або школа домашні змаганя, дружтвенеј або спортскеј манифестациї, або

кед пре одсуство векшого числа школярох або занятих, хтори означую вирске швето, або швето националней меншини хторе утвердзел национални совет одредзенеј националней меншини у Републики Сербії, на дзень того швета очежане отримоване настави.

Наставна субота на хтору ше надополнюе препущену роботу у смислу пасуса 1. того члена, припада истому кварталу як и дзень хтори одредзени як ненаставни.

У шицких других случайоох одступања од школскогo календару, школа длужна поступац у складзе зоз членом 28. пасус 5. и 105. пасус 3. и 4. Закона о основах системи образования и воспитания («Службени глашнік РС», число 88/2017, 27/2018 – др. закон , 10/2019 и 6/2020).

Член 6.

Под час школскогo року школяре маю жимски, ярті и летні розпуст.

Жимски розпуст почина 24. децембра 2020. року, а закончуе ше 15. януара 2021. року.

Ярті розпуст ма два часци. Перша часц яртьогo розпусту почина 2. априла 2021. року, а закончуе ше 5. априла 2021. року. Друга часц яртьогo розпусту почина 30. априла 2021. року и закончуе ше 7. априла 2021. року.

За школярох од першей по седму класу, летні розпуст почина 21. јуния 2021, а закончуе ше 31. августа 2021. року. За школярох осмей класи летні розпуст почина по законченю закончуюцогo испиту, а закончуе ше 31. августа 2021. року.

Член 7.

Датум сообщованя успиху школярох и придаваня школярских кнїжочкох, свидоцтвох и дипломох по законченю першого, односно другогo полроча, школа утвердзуе з рочним планом работи.

Член 8.

У школи ше преславюе державни и вирски швета у складзе зоз Законом о державних и других шветох у Републики Сербії («Службени глашнік РС», число 43/01, 101/07 и 92/11).

У школи ше означуе:

- 21. октобер – Дзень здогадованя на сербски жертви у Другей шветовой войны, як роботни и наставни дзень
- 8. новембер – Дзень просвітних роботнікох
- 11. новембер – Дзень примиря у Першей шветовой войны, як нероботни и ненаставни дзень
- 27. януар – Святи Сава – школска слава, як роботни и ненаставни дзень
- 15. фебруар – Стритение – Дзень державносци яки ше означує 15. и 16. фебруара 2021. року, як нероботни дзень
- 22. април – Дзень здогадованя на жертви холокаусту, геноциду и других жертвох фашизму у Другей шветовой войны, як роботни и наставни дзень
- 1. май – Швето роботи, яке ше означує 1, 2. и 3. мая 2021. року, як нероботни дзень
- 9. май – Дзень побиди як роботни и наставни дзень
- 28. юний – Видовдан – спомин на Косовску битку

Член 9.

Школяре и заняти у школи маю право не буц на настави, односно не робиц, на вирски швета:

- Православни виртіки – на перши дзень кресней слави;
- Припадніки вирских заедніцох хтори означую вирски швета по Григориянским односно Юлианским календаре – на перши дзень Крачуна и на Вельку Ноц, починаючи од Велького пиятку заключно зоз другим дньом швета;
- Припадніки исламскей заедніци – 13. мая 2021. року, на перши дзень Рамазанского байраму и 20. юлия 2021. року, на перши дзень Курбан-байраму.
- Припадніки Єврескей заедніци – 28. марца перши дзень Пасхи або Песах и 28. септембра 2020. року на перши дзень Йом Кипура.

Член 10.

Зоз одлуками совитох националних меншинох утвєрджени шлїдуюци национални швета националних меншинох:

- за мадырску националну заедніцу:
 - * 15. марец – Дзень револуції и ошлєбодительней борби 1848/49
 - * 20. август – Дзень Святого Стевана и
 - * 23. октобер – Дзень початку револуції и ошлєбодительней борби 1956. року
- за бошняцку националну заедніцу:
 - * 11. май – Дзень Бошняцкей националней застави
 - * перши дзень Рамазанского байраму
 - * перши дзень Курбанского байраму
 - * 20. новембер – Дзень ЗАВНОС.
- за бунєвацку националну заедніцу:
 - * 2. фебруар – Дзень вельких прадкох
 - * 23. фебруар – Дзень вибору першого Национального совиту
 - * 15. август – Дзень Дужиянци и
 - * 25. новембер – Дзень кєд 1918. року у Новим Садзе отримана Велька Народна скупштина Сербох, Бунєвцох и других Славянох
- за горватску националну заедніцу:

- * 19. марец – швето Святого Йосипа,
 - * 19. юний – датум народзенья суботицкогo бискупа Ивана Антуновича,
 - * 16. октобер – датум народзенья бана Йосипа Слачича и
 - * 15. децембер – датум снованя Горватскей националней ради.
- за румунску националну заедніцу:
- * 15. януар – датум народзенья националногo поети Михая Еминескуа,
 - * 4. септембер – швето Велькей Матки Божей,
 - * 1. децембер – Националне швето Румунії и
 - * 7. децембер – Дзень Националногo совиту.
- за руску националну заедніцу:
- * 17. януар – Дзень Руснацох.
- за українску националну заедніцу:
- * 17. май – Дзень українскей заедніци у Сербії и
 - * 14. октобер – Дзень українских геройох.
- за македонску националну заедніцу:
- * 2. август – Илинден – Дзень повстаня народу Македонії против Туркох,
 - * 8. септембер – Дзень державносци Републики Македонії,
 - * 11. октобер – Дзень борца и
 - * 16. децембер – Дзень Националногo совиту.
- за немецку националну заедніцу:
- * 15. децембер – Дзень снованя Националногo совиту.
- за ромску националну заедніцу:
- * 14. януар – Василица,
 - * 3. пияток у марцу – Бибия,
 - * 8. април – Медзинародни дзень Ромох и
 - * 6. май – Дзуря.
- за болгарску националну заедніцу:
- * 3. марец – Дзень ошлебодзенья од турского рабства,
 - * 24. май – Дзень Кирила и Мефтода и
 - * 1. новембер – Дзень народних будительох.
- за ческу националну заедніцу:
- * 4. фебруар – Дзень ческей литературы,
 - * 28. марец – Дзень образования,
 - * 16. май – Дзень Националногo совиту,
 - * 28. септембер – Дзень Чехох (Св. Вацлав) и
 - * 4. октобер – Дзень ческого языка.
- за словацку националну заедніцу:
- * перши викенд у августу – Дні словацких народних святочносцох.

На жимским розпусту, школа може плановац реализоване додатней и дополнююцей работи зоз школярами.

О чишле годзинох, облапеню школярох и розпорядку окончованя додатней и дополнююцей работи зоз школярами зоз пасуса 1. того члена, на предкладане наставницькей ради одлучуе директор.

Член 12.

Школяре осмей класи буду покладац пробни закончуюци испит пияток, 26.3.2021. року и субботу, 27.3.2021. року, а закончуюци испит пондзелок, 21.6.2021. року, вовторок, 22.6.2021. року и стреду, 23.6.2021. року.

Член 13.

Зоз Рочним планом работи школа обовязна плановац два работни дні на уровню школского року (sobota – 12. септембер або 19. септембер 2019. року у першим полрочу и sobota 15. або 22. май 2021. року у другим полрочу) за организоване и реализацию активносцох з обласци вибортих предметох (гражданске воспитане, вирска настава и др.), звонканаставних активносцох, спортских активносцох, обласци екології и заштити животного штредку, културто-уметницьких активносцох, як на приклад:

- одход до вирских обектох – церквох, манастирох и храмох,
- одход до музейох и галерийох, памятных збиркох,
- нацива етно хижох, историйних находзискох,
- одход до национального парку, природних резерватох,
- организоване акцийох ожеленьованя и ушореня школи и околїска,
- активносци у локалней заедніци,
- спортски стретнуца,
- стретнуца школох,
- организовани одход на едукативни и креативни работні,
- организоване мини виглєдовацких проєктох,
- забавни медзидзеленски дружєня.

Зоз рочим планом работи школа муши утвердзиц дзєнь кєд организує нациву школярох на медзинародни саям образования «Драгокази» у Новим Садзе. Кєд тот активносц будзе реализована на наставни дзєнь, школа утвердзи способ надополньованя препущеней образовно-воспитней работи по кєнец полроча у хторим нацива организована.

Вибор и розпорядок републичних змаганьох школярох основних школох, яки ше отрима у периоду од пондзелку, 17. мая 2021. року по недзелю, 23. мая 2021. року, будзе одредзєне з програму змаганя и смотрох школярох основних школох и Фаховим упутством о организованю змаганя и смотрох школярох основних и штреднїх школох, за школски 2020/21. рок.

За школярох хтори не буду участвовац на змаганьох тоти дні ше рахує як наставни.

Член 14.

На штварток, 1. октобра 2020. року наставу ше виводзи по розпорядку годзинох за пондзелок.

На вовторок, 3. новембра 2020. року наставу ше виводзи по розпорядку годзинох за пияток.

Член 15.

Тот правилнік ступа на моц осмого дня по обявйованю у «Службених новинох АП Войводини», а сходно члену 53. пасус 2. Закона о державней управи («Службени глашнік РС», число 79/05, 101/07, 95/10, 99/14, 47/18 и 30/10 – др. закон), будзе обявени и у «Службеним глашніку РС».

Покраїнски секретарият за образованє, предписаня,
управу и национални меншини – национални заєдніци

Число: 128-610-1/2020-01
У Новим Садзе, 26.5.2020. року

ПОКРАЇНСКИ СЕКРЕТАР,

Михаль Нілаш

На основі члена 185. пасус 1, а у вязи зоз членом 28. пасус 5. точка 1. и пасус 6. Закона о основох системи образования и воспитаня («Службени глашнік РС», число 88/17, 27/18 – др. закон, 10/19 и 6/20) и члена 15. и 16. пасус 2, члена 24. пасус 2. и члена 37. пасус 4. Покраїнскей скупштинскей одлуки о покраїнскей управі («Службени новини АП Войводини», число 37/14, 54/14 – др. одлука, 37/16, 29/17 и 24/2019), покраїнски секретар за образованє, предписаня, управу и национални меншини – национални заедніци п р и н о ш и:

**ПРАВИЛНІК
О ВИМЕНКОХ И ДОПОЛНЄНЮ ПРАВИЛНІКА О ШКОЛСКИМ КАЛЕНДАРЕ ЗА
ОСНОВНИ ШКОЛИ ЗОЗ ШЕДЗИСКОМ НА ТЕРИТОРИЇ АВТОНОМНЕЙ
ПОКРАЇНИ ВОЙВОДИНИ ЗА ШКОЛСКИ 2020/2021. РОК**

Член 1.

У Правилніку о школским календаре за основни школи зоз шедзиском на території Автономней Покраїни Войводини за школски 2020/2021. рок («Службени новини АП Войводини», число 41/2020 од 22.6.2020. року) у члену 1. ше додава пасус 3. и вон глаши:

«Надополненє наставних дньох и наставних тижньох у основних школах, по подполне число наставних тижньох и наставних дньох ше отрима у другим полрочу и будзе усоглашене з епидемиологийними мирама и у складзе зоз прецену загроженосци безпечносци и здравя школярох и занятих.»

Член 2.

У члену 2. пасуси 2. и 3. ше меня и вони глаша:

«Перше полроче почина 1. септембра 2020. року, а закончує ше 18. децембра 2020. року.

Друге полроче почина 18. януара 2021. року и закончує ше:

- 8. юния 2021. року, за школярох осмей класи;

- 22. юния 2021. року, за школярох од першей по седму класу.»

Члан 3.

У члену 6. пасуси 2. и 4. ше меня и вони глаша:

«Жимски розпуст почина 21. децембра 2020. року, а закончує ше 17. януара 2021. року.

За школярох од першей по седму класу, летні розпуст почина 23. юния 2021. року, а закончує ше 31. августа 2021. року. За школярох осмей класи летні розпуст почина по законченю закончуючого испиту, а закончує ше 31. августа 2021. року. «

Член 4.

Член 12. ше меня и вон глаши:

«Школяре осмей класи буду покладац пробни закончуюци испит на пияток, 26.3.2021. року и на субботу, 27.3.2021. року, а закончуюци испит на стреду, 23.6.2021. року, штварток, 24.6.2021. року и пияток, 25.6.2021. року.»

Член 5.

Таблічкови приказ школского календару за основни школи зоз шедзиском на території Автономней Покраїни Войводины за школски 2020/2021. рок, хтори состояна часц Правилніка о школским календаре за основни школи зоз шедзиском на території Автономней Покраїни Войводины за школски 2020/2021. рок («Службени новини АП Войводины», число 41/2020 од 22.6.2020. року) ше заменяє з новим таблічковим преглядом школского календару за основни школи зоз шедзиском на території Автономней Покраїни Войводины за школски 2020/2021. рок, хтори состояна часц того правилніка.

Член 6.

Тот правилнік ступа на моц осми дзень по обявйованю у «Службених новинах АП Войводины», а сходно члену 53. пасус 2. Закону о державней управе («Службени глашнік РС», число 79/05, 101/07, 95/10, 99/14, 47/18 и 30/10 – др. закон) будзе обявени и у «Службеним глашніку РС».







Покраїнски секретарят за образование, предписаня, управу и национални меншини –
национални заедніци

Число: 128-61-644/2020-01
У Новим Садзе, 2.12.2020. року

ПОКРАЇНСКИ СЕКРЕТАР,

Жолт Сакалаш

ЛЕГЕНДА

	Початок и конец наставного року		Державні швета хтори ше означує роботно (наставни дні)
			Школска слава Святи Сава (роботни, ненаставни дзень)
			Пробни закончуюци и закончуюци испит
	Школярски розпуст		Конец кварталу
*	Вирске швето		Дні предвидзени за републични змаганя у Тршичу и Виминациому
•	Державне швето		РТ Роботни тидзень